
Saksnr: 2026/4095-13
Saksbehandlar Thomas Finnøy, Møre og Romsdal fylkeskommune
May Endresen, Rogaland fylkeskommune
Dato: 29.05.2026

Til: Vestlandsrådet

Frå: Fylkesdirektøren

Arendalsveka 2026 - status for Vestlandsrådet sine arrangement

På møte i Vestlandsrådet, 15.april 2026, vart det handsama sak om arrangement i regi av Vestlandsrådet under Arendalsveka 2026.

Det vart gjort vedtak om følgjande to ulike arrangement;

- E39 Vestlandsvegen
- Matberedskap - kva rolle har matregionen Vestlandet?

Dette notatet omtaler kort status for planar og opplegg for gjennomføring av desse to arrangementa.

E39 Vestlandsvegen

Stad: «Vestlandsbåten» (MS Sandnes), Festsalen

Tid: Måndag 10.august 2026, kl. 14:00-15:00

Hovudansvar for arrangementet: Møre og Romsdal fylkeskommune v/Thomas Finnøy

Arrangementstittel:

«Kva skal til for å få fart på Vestlandsvegen E39?»

Tekst på nett/festivalavis:

«Løftet var eit stort gjennombrøt: Alle ferjene på E39 skulle bort, reisetida dramatisk ned og dei tre vestlandsfylka skulle knytast tettare saman. Tretten år etter at Stortinget lova ei historisk opprusting av E39 Vestlandsvegen har imidlertid lite skjedd.

I steden har ein betydeleg andel av milliardane blitt prioritert til eit anna stort løfte - jernbanesatsinga Intercity på Austlandet.

Vestlandet er Norges viktigaste verdiskapingsregion, men som manglar infrastrukturen regionen treng for å møte framtida. Det kan ikkje halde fram.

På dette arrangementet vert følgjande sentrale spørsmål stilt:

Kva har gått galt for E39? Og kva skal til for å få fart på utbygginga?»

Opplegg for gjennomføring (45 minuttar):

Ordstyrar: Tom Christer Nilsen, næringspolitisk sjef i Bergen Næringsråd

1. Ein innleiande bolk der fylkesordførarane/fylkesvaraordførarane signerer eit dokument (samarbeidserklæring eller tilsvarande), der tidlegare vedtak i Vestlandsrådet vert lagt til grunn for innhaldet.
2. Del med innlegg:
 - a) Initiativ Vest - byggjer på dokumentet om Vestlandspakken, men der også utfordringa frå konferansen på Flesland, 15.april, blir inkludert: «...om Vestlandsvegen er svaret - kva er problemet?»
 - b) «Sund og Bælt Holding A/S» orienterer om korleis det danske statleg eigde aksjeselskapet har bygd infrastruktur over Storebælt, Øresund og Fehmarnbælt, som no er under bygging. Dette vert gjort med finansiering som ikkje belastar statsbudsjettet. Ikkje endeleg stadfesta.
3. Samtale med Finn Aasmund Hobbesland i Nye Veier om deira tankar kring Vestlandsvegen og eventuelle nye finansieringsformer. Ikkje endeleg stadfesta.
4. Toppolitikardebatt: Inviterte er Jon-Ivar Nygård (Ap), Trond Helleland (H) og Bård Hoksrud (Frp) - ingen er endeleg stadfesta.

Framtidas matberedskap - kva rolle spelar havregionen Vestlandet?

Stad: «Rygerelektra», Pollen i Arendal

Tid: onsdag 12. august kl. 17:30-18:30

Programansvarleg: May Endresen, seksjonssjef næring i Rogaland fylkeskommune

Vestlandet er ein av Norges viktigaste havregionar, og ein berebjelke i landets blå matberedskap, samfunnstryggleik og totalforsvar. I ei tid prega av aukande geopolitisk uro vert det stilt nye krav til nasjonal tryggleik, verdiskaping og sikker tilgang på mat.

Korleis kan Vestlandet bidra sterkare til Norges matforsyning og beredskap - i dag og i årene som kjem? Og kva må til for å sikre trygg og stabil mat frå havet også i framtida?

Vestlandsrådet, i samarbeid med næringsklyngene Stiim Aqua Cluster og Blue Planet, inviterer til eit arrangement som set søkelys på Vestlandets sentrale rolle i Norges totale forsvarevne. Gjennom havbruk, fiskeri, foredling, hamner, energiforsyning, logistikk og teknologi utgjør regionen eit heilt avgjerande bidrag til nasjonal beredskap.

Arrangementet vil belyse korleis Vestlandets infrastruktur, kompetanse og næringsliv kan styrke trygg matforsyning, robuste kystsamfunn og auka nasjonal motstandskraft.

Gjennom faglege innlegg, politiske samtaler og konkrete dømer, skal det visast korleis blå næringar og beredskapsaktørar på Vestlandet - i samspel - kan bidra til å sikre Norge stabil tilgang på trygg mat frå havet.

Inviterte deltakarar under arrangementet (venter på stadfesting):

- **Sjømat Norge** - (navn kommer) om fiske og akvakultur som del av norsk matberedskap og matsikkerhet
- **Jannicke Fugledal Remme, SINTEF**, leder prosjektet
Forsyne <https://www.sintef.no/prosjekter/2025/forsyne/> om regional beredskap og næringsaktivitet
- **TBC, Skretting Norge** - råvaretilgang, beredskapslager, akvakultur som del av norsk matberedskap
- **TBA** (Bente E. Torstensen), **NOFIMA** med utgangspunkt i prosjektet som ser på sjømatens rolle i matsystemene
- **Helge André Njåstad** - stortingspolitiker FrP -(forespurt)
- **Geir Pollestad** - stortingspolitiker Sp (forespurt)

- **Næringsminister eller Fiskeri- og havminister** (forespurt)
- **Debattleder:** Eivind Helland, Blue Planet AS